

大般若波羅蜜多經卷第一百六

盈六

唐三藏法師玄奘奉詔譯

初分校量功德品第三十之四

爾時會中所有四大王衆天乃至色究竟天
同時化作種種天華衣服瓔珞及香鬘等踊
身虛空而散佛上合掌恭敬俱白佛言願此
般若波羅蜜多在瞻部洲人中久住何以故
乃至般若波羅蜜多在瞻部洲人中流布當
知此處佛寶法寶苾芻僧寶久住不滅於此
三千大千世界乃至十方無量無數無邊佛
國亦復如是由此菩薩摩訶薩衆及殊勝行
亦可了知世尊隨諸方邑有善男子善女人
等以淨信心書持如是甚深般若波羅蜜多
恭敬供養當知是處有妙光明除滅暗冥生
諸勝利爾時佛告天帝釋等諸天衆言如是

如是如汝所說乃至般若波羅蜜多在瞻部
洲人中流布當知此處佛寶法寶苾芻僧寶
久住不滅於此三千大千世界乃至十方無
量無數無邊佛國亦復如是由此菩薩摩訶
薩衆及殊勝行亦可了知隨諸方邑有善男
子善女人等以淨信心書持如是甚深般若
波羅蜜多恭敬供養當知是處有妙光明除
滅暗冥生諸勝利時諸天衆復化種種上妙
天華衣服瓔珞及香鬘等而散佛上重白佛
言若善男子善女人等於此般若波羅蜜多
至心聽聞受持讀誦精勤修學如理思惟廣
爲有情宣說流布是善男子善女人等魔及
眷屬不得其便我等諸天亦常隨逐是善男
子善女人等勤加擁護令無損惱何以故是
善男子善女人等我等諸天敬事如佛或如

近佛尊重法故爾時天帝釋白佛言世尊若善男子善女人等於此般若波羅蜜多至心聽聞受持讀誦精勤修學如理思惟廣為有情宣說流布是善男子善女人等非少善根能辨是事定於先世無量佛所多集善根多發正願多供養佛多善知識之所攝受乃能於此甚深般若波羅蜜多至心聽聞受持讀誦精勤修學如理思惟廣為有情宣說流布世尊欲得諸佛一切智智當求般若波羅蜜多欲得般若波羅蜜多當求諸佛一切智智何以故諸佛所得一切智智皆從般若波羅蜜多而得生故如是般若波羅蜜多皆從諸佛一切智智而得生故所以者何諸佛所得一切智智不異般若波羅蜜多如是般若波羅蜜多不異諸佛一切智智諸佛所得一切

智智與此般若波羅蜜多當知無二亦無二分爾時佛告天帝釋言如是如是如汝所說憍尸迦欲得諸佛一切智智當求般若波羅蜜多欲得般若波羅蜜多當求諸佛一切智智何以故諸佛所得一切智智皆從般若波羅蜜多而得生故如是般若波羅蜜多皆從諸佛一切智智而得生故所以者何諸佛所得一切智智不異般若波羅蜜多如是般若波羅蜜多不異諸佛一切智智諸佛所得一切智智與此般若波羅蜜多當知無二亦無二分是故般若波羅蜜多功德威神甚為希有爾時具壽慶喜白佛言世尊何緣不廣稱讚布施波羅蜜多淨戒波羅蜜多安忍波羅蜜多精進波羅蜜多靜慮波羅蜜多但廣稱讚般若波羅蜜多世尊何緣不廣稱讚內空

外空內外空空空大空勝義空有爲空無爲
空畢竟空無際空散空無變異空本性空自
相空共相空一切法空不可得空無性空自
性空無性自性空但廣稱讚般若波羅蜜多
世尊何緣不廣稱讚真如法界法性不虛妄
性不變異性平等性離生性法定法住實際
虛空界不思議界但廣稱讚般若波羅蜜多
世尊何緣不廣稱讚苦聖諦集聖諦滅聖諦
道聖諦但廣稱讚般若波羅蜜多世尊何緣
不廣稱讚四靜慮四無量四無色定但廣稱
讚般若波羅蜜多世尊何緣不廣稱讚八解
脫八勝處九次第定十遍處但廣稱讚般若
波羅蜜多世尊何緣不廣稱讚四念住四正
斷四神足五根五力七等覺支八聖道支但
廣稱讚般若波羅蜜多世尊何緣不廣稱讚

空解脫門無相解脫門無願解脫門但廣稱
讚般若波羅蜜多世尊何緣不廣稱讚五眼
六神通但廣稱讚般若波羅蜜多世尊何緣
不廣稱讚佛十力四無所畏四無礙解大慈
大悲大喜大捨十八不共法但廣稱讚般
若波羅蜜多世尊何緣不廣稱讚無忘失法
恒住捨性但廣稱讚般若波羅蜜多世尊何
緣不廣稱讚一切智道相智一切相智但廣
稱讚般若波羅蜜多世尊何緣不廣稱讚一
切陀羅尼門一切三摩地門但廣稱讚般若
波羅蜜多世尊何緣不廣稱讚菩薩摩訶薩
行但廣稱讚般若波羅蜜多世尊何緣不廣
稱讚阿耨多羅三藐三菩提但廣稱讚般若
波羅蜜多佛言慶喜汝今當知由此般若波
羅蜜多與彼布施波羅蜜多淨戒波羅蜜多

安忍波羅蜜多精進波羅蜜多靜慮波羅蜜
多為尊為導故我但廣稱讚般若波羅蜜多
慶喜當知由此般若波羅蜜多與彼內空外
空內外空空空大空勝義空有為空無為空
畢竟空無際空散空無變異空本性空自相
空共相空一切法空不可得空無性空自性
空無性自性空為尊為導故我但廣稱讚般
若波羅蜜多慶喜當知由此般若波羅蜜多
與彼真如法界法性不虛妄性不變異性平
等性離生性法定法住實際虛空界不思議
界為尊為導故我但廣稱讚般若波羅蜜多
慶喜當知由此般若波羅蜜多與彼苦聖諦
集聖諦滅聖諦道聖諦為尊為導故我但廣
稱讚般若波羅蜜多慶喜當知由此般若波
羅蜜多與彼四靜慮四無量四無色定為尊

為導故我但廣稱讚般若波羅蜜多慶喜當
知由此般若波羅蜜多與彼八解脫八勝處
九次第定十遍處為尊為導故我但廣稱讚
般若波羅蜜多慶喜當知由此般若波羅蜜
多與彼四念住四正斷四神足五根五力七
等覺支八聖道支為尊為導故我但廣稱讚
般若波羅蜜多慶喜當知由此般若波羅蜜
多與彼空解脫門無相解脫門無願解脫門
為尊為導故我但廣稱讚般若波羅蜜多慶
喜當知由此般若波羅蜜多與彼五眼六神
通為尊為導故我但廣稱讚般若波羅蜜多
慶喜當知由此般若波羅蜜多與彼佛十力
四無所畏四無礙解大慈大悲大喜大捨十
八不共法為尊為導故我但廣稱讚般若
波羅蜜多慶喜當知由此般若波羅蜜多與

彼無忘失法恒住捨性為尊為導故我但廣稱讚般若波羅蜜多慶喜當知由此般若波羅蜜多與彼一切智道相智一切相智為尊為導故我但廣稱讚般若波羅蜜多慶喜當知由此般若波羅尼門

一切三摩地門為尊為導故我但廣稱讚般若波羅蜜多慶喜當知由此般若波羅蜜多與彼菩薩摩訶薩行為尊為導故我但廣稱讚般若波羅蜜多慶喜當知由此般若波羅蜜多與彼無上正等菩提為尊為導故我但廣稱讚般若波羅蜜多佛言慶喜於意云何若不回向一切智智而修布施波羅蜜多可名真修布施波羅蜜多不慶喜答言不也世尊佛言慶喜要由回向一切智智而修布施波羅蜜多乃可名為真修布施波羅蜜多佛

言慶喜於意云何若不回向一切智智而修淨戒安忍精進靜慮般若波羅蜜多可名真修淨戒安忍精進靜慮般若波羅蜜多不慶喜答言不也世尊佛言慶喜要由回向一切智智而修淨戒安忍精進靜慮般若波羅蜜多乃可名為真修淨戒安忍精進靜慮般若波羅蜜多故此般若波羅蜜多於彼布施淨戒安忍精進靜慮波羅蜜多為尊為導故我但廣稱讚般若波羅蜜多佛言慶喜於意云何若不回向一切智智而住內空可名真住內空不慶喜答言不也世尊佛言慶喜要由回向一切智智而住內空乃可名為真住內空佛言慶喜於意云何若不回向一切智智而住外空內外空空大空勝義空有為空無為空畢竟空無際空散空無變異空本性

空自相空共相空一切法空不可得空無性
空自性空無性自性空可名真住外空乃至
無性自性空不慶喜答言不也世尊佛言慶
喜要由回向一切智智而住外空乃至無性
自性空乃可名為真住外空乃至無性自性
空故此般若波羅蜜多於彼內空乃至無性
自性空為尊為導故我但廣稱讚般若波羅
蜜多佛言慶喜於意云何若不回向一切智
智而住真如可名真住真如不慶喜答言不
也世尊佛言慶喜要由回向一切智智而住
真如乃可名為真住真如佛言慶喜於意云
何若不回向一切智智而住法界法性不虛
妄性不變異性平等性離生性法定法住實
際虛空界不思議界可名真住法界乃至不
思議界不慶喜答言不也世尊佛言慶喜要

由回向一切智智而住法界乃至不思議界
乃可名為真住法界乃至不思議界故此般
若波羅蜜多於彼真如乃至不思議界為尊
為導故我但廣稱讚般若波羅蜜多佛言慶
喜於意云何若不回向一切智智而住苦聖
諦可名真住苦聖諦不慶喜答言不也世尊
佛言慶喜要由回向一切智智而住苦聖諦
乃可名為真住苦聖諦佛言慶喜於意云何
若不回向一切智智而住集滅道聖諦可名
真住集滅道聖諦不慶喜答言不也世尊佛
言慶喜要由回向一切智智而住集滅道聖
諦乃可名為真住集滅道聖諦故此般若波
羅蜜多於彼苦集滅道聖諦為尊為導故我
但廣稱讚般若波羅蜜多佛言慶喜於意云
何若不回向一切智智而修四靜慮可名真

修四靜慮不慶喜答言不也世尊佛言慶喜
要由回向一切智智而修四靜慮乃可名為
真修四靜慮佛言慶喜於意云何若不回向
一切智智而修四無量四無色定可名真修
四無量四無色定不慶喜答言不也世尊佛

五六

言慶喜要由回向一切智智而修四無量四
無色定乃可名為真修四無量四無色定故
此般若波羅蜜多於彼四靜慮四無量四無
色定為尊為導故我但廣稱讚般若波羅蜜
多佛言慶喜於意云何若不回向一切智智
而修八解脫可名真修八解脫不慶喜答言
不也世尊佛言慶喜要由回向一切智智而
修八解脫乃可名為真修八解脫佛言慶喜
於意云何若不回向一切智智而修八勝處
九次第定十遍處可名真修八勝處九次第

定十遍處不慶喜答言不也世尊佛言慶喜
要由回向一切智智而修八勝處九次第定
十遍處乃可名為真修八勝處九次第定十
遍處故此般若波羅蜜多於彼八解脫八勝
處九次第定十遍處為尊為導故我但廣稱

讚般若波羅蜜多佛言慶喜於意云何若不
回向一切智智而修四念住可名真修四念
住不慶喜答言不也世尊佛言慶喜要由回
向一切智智而修四念住乃可名為真修四
念住佛言慶喜於意云何若不回向一切智

五六

九

智而修四正斷四神足五根五力七等覺支
八聖道支可名真修四正斷四神足五根五
力七等覺支八聖道支不慶喜答言不也世
尊佛言慶喜要由回向一切智智而修四正
斷四神足五根五力七等覺支八聖道支乃

可名為真修四正斷四神足五根五力七等覺支八聖道支故此般若波羅蜜多於彼四念住四正斷四神足五根五力七等覺支八聖道支為尊為導故我但廣稱讚般若波羅蜜多佛言慶喜於意云何若不回向一切智智而修空解脫門可名為真修空解脫門不慶喜答言不也世尊佛言慶喜要由回向一切智智而修空解脫門乃可名為真修空解脫門佛言慶喜於意云何若不回向一切智智而修無相無願解脫門可名為真修無相無願解脫門不慶喜答言不也世尊佛言慶喜要由回向一切智智而修無相無願解脫門乃可名為真修無相無願解脫門故此般若波羅蜜多於彼空解脫門無相解脫門無願解脫門為尊為導故我但廣稱讚般若波羅蜜

多佛言慶喜於意云何若不回向一切智智而修五眼可名為真修五眼不慶喜答言不也世尊佛言慶喜要由回向一切智智而修五眼乃可名為真修五眼佛言慶喜於意云何若不回向一切智智而修六神通可名為真修六神通不慶喜答言不也世尊佛言慶喜要由回向一切智智而修六神通乃可名為真修六神通故此般若波羅蜜多於彼五眼六神通為尊為導故我但廣稱讚般若波羅蜜多佛言慶喜於意云何若不回向一切智智而修佛十力可名為真修佛十力不慶喜答言不也世尊佛言慶喜要由回向一切智智而修佛十力乃可名為真修佛十力佛言慶喜於意云何若不回向一切智智而修四無所畏四無礙解大慈大悲大喜大捨十八佛不

共法可名真修四無所畏四無礙解大慈大悲大喜大捨十八佛不共法不慶喜答言不也世尊佛言慶喜要由回向一切智智而修四無所畏四無礙解大慈大悲大喜大捨十八佛不共法乃可名爲真修四無所畏四無礙解大慈大悲大喜大捨十八佛不共法故此般若波羅蜜多於彼佛十力四無所畏四無礙解大慈大悲大喜大捨十八佛不共法爲尊爲導故我但廣稱讚般若波羅蜜多佛言慶喜於意云何若不回向一切智智而修無忘失法可名真修無忘失法不慶喜答言不也世尊佛言慶喜要由回向一切智智而修無忘失法乃可名爲真修無忘失法佛言慶喜於意云何若不回向一切智智而修恒住捨性可名真修恒住捨性不慶喜答言不

也世尊佛言慶喜要由回向一切智智而修恒住捨性乃可名爲真修恒住捨性故此般若波羅蜜多於彼無忘失法恒住捨性爲尊爲導故我但廣稱讚般若波羅蜜多佛言慶喜於意云何若不回向一切智智而修一切相智可名真修一切相智不慶喜答言不也世尊佛言慶喜要由回向一切智智而修道相智一切相智乃可名爲真修道相智一切相智故此般若波羅蜜多於彼一切智道相智一切相智爲尊爲導故我但廣稱讚般若波羅蜜多佛言慶喜於意云何若不回向

一切智智而修一切陀羅尼門可名真修一切陀羅尼門不慶喜答言不也世尊佛言慶喜要由回向一切智智而修一切陀羅尼門乃可名為真修一切陀羅尼門佛言慶喜於意云何若不回向一切智智而修一切三摩地門可名真修一切三摩地門不慶喜答言不也世尊佛言慶喜要由回向一切智智而修一切三摩地門乃可名為真修一切三摩地門故此般若波羅蜜多於彼一切陀羅尼門一切三摩地門為尊為導故我但廣稱讚般若波羅蜜多佛言慶喜於意云何若不回向一切智智而修菩薩摩訶薩行可名真修菩薩摩訶薩行不慶喜答言不也世尊佛言慶喜要由回向一切智智而修菩薩摩訶薩行乃可名為真修菩薩摩訶薩行故此般若

五六

十二之一

波羅蜜多於彼菩薩摩訶薩行為尊為導故我但廣稱讚般若波羅蜜多佛言慶喜於意云何若不回向一切智智而修無上正等菩提可名真修無上正等菩提不慶喜答言不也世尊佛言慶喜要由回向一切智智而修無上正等菩提乃可名為真修無上正等菩提故此般若波羅蜜多於彼無上正等菩提為尊為導故我但廣稱讚般若波羅蜜多具壽慶喜復白佛言世尊云何回向一切智智而修布施波羅蜜多佛言慶喜以無二為方便無生為方便無所得為方便修習布施波羅蜜多是名回向一切智智而修布施波羅蜜多世尊云何回向一切智智而修淨戒安忍精進靜慮般若波羅蜜多慶喜以無二為方便無生為方便無所得為方便修習淨戒

五六

十二之二

安忍精進靜慮般若波羅蜜多是名回向一切智智而修淨戒安忍精進靜慮般若波羅蜜多世尊云何回向一切智智而住內空慶喜以無二為方便無生為方便無所得為方便安住內空是名回向一切智智而住內空

五六

十三

世尊云何回向一切智智而住外空內外空空空大空勝義空有為空無為空畢竟空無際空散空無變異空本性空自相空共相空一切法空不可得空無性空自性空無性自性空慶喜以無二為方便無生為方便無所得為方便安住外空乃至無性自性空是名回向一切智智而住外空乃至無性自性空世尊云何回向一切智智而住真如慶喜以無二為方便無生為方便無所得為方便安住真如是名回向一切智智而住真如世尊

云何回向一切智智而住法界法性不虛妄性不變異性平等性離生性法定法住實際虛空界不思議界慶喜以無二為方便無生為方便無所得為方便安住法界乃至不思議界是名回向一切智智而住法界乃至不思議界世尊云何回向一切智智而住苦聖諦慶喜以無二為方便無生為方便無所得為方便安住苦聖諦是名回向一切智智而住苦聖諦世尊云何回向一切智智而住集滅道聖諦慶喜以無二為方便無所得為方便安住集滅道聖諦是名回向一切智智而住集滅道聖諦世尊云何回向一切智智而修四靜慮慶喜以無二為方便無生為方便無所得為方便修習四靜慮是名回向一切智智而修四靜慮世尊云何回

向一切智智而修四無量四無色定慶喜以無二為方便無生為方便無所得為方便修習四無量四無色定是名回向一切智智而修四無量四無色定世尊云何回向一切智智而修八解脫慶喜以無二為方便無生為方便無所得為方便修習八解脫是名回向一切智智而修八解脫世尊云何回向一切無二為方便無生為方便無所得為方便修習八勝處九次第定十遍處慶喜以無二為方便無生為方便無所得為方便修習八勝處九次第定十遍處是名回向一切智智而修八勝處九次第定十遍處世尊云何回向一切智智而修四念住慶喜以無二為方便無生為方便無所得為方便修習四念住是名回向一切智智而修四念住世尊云何回向一切智智而修四正斷四神足五

四六

十四

根五力七等覺支八聖道支慶喜以無二為方便無生為方便無所得為方便修習四正斷四神足五根五力七等覺支八聖道支是名回向一切智智而修四正斷四神足五根五力七等覺支八聖道支世尊云何回向一切智智而修空解脫門慶喜以無二為方便無生為方便無所得為方便修習空解脫門是名回向一切智智而修空解脫門世尊云何回向一切智智而修無相無願解脫門慶喜以無二為方便無生為方便無所得為方便修習無相無願解脫門是名回向一切智智而修無相無願解脫門世尊云何回向一切智智而修五眼慶喜以無二為方便無生為方便無所得為方便修習五眼是名回向一切智智而修五眼世尊云何回向一切智

四六

十五

智而修六神通慶喜以無二為方便無生為方便無所得為方便修習六神通是名回向一切智智而修六神通世尊云何回向一切智智而修佛十力慶喜以無二為方便無生為方便無所得為方便修習佛十力是名回向一切智智而修佛十力世尊云何回向一切智智而修四無所畏四無礙解大慈大悲大喜大捨十八佛不共法慶喜以無二為方便無生為方便無所得為方便修習四無所畏四無礙解大慈大悲大喜大捨十八佛不共法是名回向一切智智而修四無所畏四無礙解大慈大悲大喜大捨十八佛不共法世尊云何回向一切智智而修無忘失法慶喜以無二為方便無生為方便無所得為方便修習無忘失法是名回向一切智智而修

無忘失法世尊云何回向一切智智而修恒住捨性慶喜以無二為方便無生為方便無所得為方便修習恒住捨性是名回向一切智智而修恒住捨性世尊云何回向一切智智而修一切智慶喜以無二為方便無生為方便無所得為方便修習一切智是名回向一切智智而修一切智世尊云何回向一切智智而修一切陀羅尼門慶喜以無二為方便無生為方便無所得為方便修習一切陀羅尼門是名回向一切智智而修一切陀羅尼門世尊云何回向一切智智而修一切三摩地門慶

五六

十六

喜以無二爲方便無生爲方便無所得爲方便修習一切三摩地門是名回向一切智智而修一切三摩地門世尊云何回向一切智智而修菩薩摩訶薩行慶喜以無二爲方便無生爲方便無所得爲方便修習菩薩摩訶薩行是名回向一切智智而修菩薩摩訶薩行世尊云何回向一切智智而修無上正等菩提慶喜以無二爲方便無生爲方便無所得爲方便修習無上正等菩提是名回向一切智智而修無上正等菩提具壽慶喜復白佛言世尊以何無二爲方便回向一切智智修習布施淨戒安忍精進靜慮般若波羅蜜多以何無生爲方便無所得爲方便回向一切智智修習布施淨戒安忍精進靜慮般若波羅蜜多世尊以何無二爲方便回向一切

智智安住內空外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空以何無生爲方便無所得爲方便回向一切智智安住內空乃至無性自性空世尊以何無二爲方便回向一切智智安住真如法界法性不虛妄性不變異性平等性離生性法定法住實際虛空界不思議界以何無生爲方便無所得爲方便回向一切智智安住真如乃至不思議界世尊以何無二爲方便回向一切智智安住苦集滅道聖諦以何無生爲方便無所得爲方便回向一切智智安住苦集滅道聖諦世尊以何無二爲方便回向一切智智修習四靜慮四無量四無色定以何無生爲

方便無所得爲方便回向一切智智修習四
靜慮四無量四無色定世尊以何無二爲方
便回向一切智智修習八解脫八勝處九次
第定十遍處以何無生爲方便無所得爲方
便回向一切智智修習八解脫八勝處九次
第定十遍處世尊以何無二爲方便回向一
切智智修習四念住四正斷四神足五根五
力七等覺支八聖道支以何無生爲方便無
所得爲方便回向一切智智修習四念住四
正斷四神足五根五力七等覺支八聖道支
世尊以何無二爲方便回向一切智智修習
空解脫門無相解脫門無願解脫門以何無
生爲方便無所得爲方便回向一切智智修
習空解脫門無相解脫門無願解脫門世尊
以何無二爲方便回向一切智智修習五眼

六神通以何無生爲方便無所得爲方便回
向一切智智修習五眼六神通

大般若波羅蜜多經卷第一百六